

Pfurzewne, die do stossen an der stat graben, die sal nymant engen, sundern die halden unde fertigen, als sie von aldirds gehalden unde gewest sien.

Apzuchte und wasserloufte, die do gehn uff der stat freyheiten, die sal eyn iderman fertigin unde halden, als das billichen unde vor alders gewest ist.

Es sal nymant meher schoff halden obir sommer denn xxiiii. 5

Wer treibig vihe hat unde treibt das nicht, geschit em schaden dorzu, das stet em ane wandil.

Wer des andern vihe pfendit, das ist vom noße^g) zwene groschen^h).

Im weynkeller unde soweit das rothaws mit sampt dem nawen hawße mit vier mawer begriffen hat, ist eyne unbrechliche freiheit. Wurde ymant dorinne messer zien, 10 mit kannen adir sust yrne mitte werffen, doruffe stet die buße eyne marg ane alle gnade unde dirlasung.

Wurde aberⁱ) ymant den andern wunden ader blutrunstig dorinnen machen, die faust mit gnaden; wurde er abir hochir brechen, das gange em hocher an sien recht, ^k)es geschege mit worthen ader wercken^k). 15

Wer do lest spilen yn seynem hauße, do bust der wirt eyn schog unde eyn itzlicher spiler eyne marg ane alle gnade unde dirlasung.

Hochzeiten sal man also machen. Den irsten abent, so man zulegit nach dem bade, sal man unde mag gebin den jungfrawen, frawen unde mannen pletze, fladen unde was man wil, unde das abentessen sal gantz abegetan sien, das man nicht zwey 20 essen nachenander so kortz geben darff.

Am hochzeittage mag er haben vi^l) tische, x menschen zu eynem tische, ane geste; der mag man bitten, so vil man wil. Der jungfrawen tisch ist frey; unde zu itzlichim tische zwene dyner. Den andern tag mag er haben eynen tisch der libisten frunde, die er hat. Wer das breche unde nichten hilde, der ist dem rathe ii schog vor- 25 fallen ane alle wedirrede.

Es sal hinfurdir keyne sechswocheryn fladen, pletze, twerge, unrad nach keynerleie bagken, auch keyn brawthun nicht geben, alleyne keßenn, brot, auch nymandis zu tische ladin bie der pehn iii schog ^m)und nicht mher bitten czum kirchgange, dan xviii frauen^m). 30

Es sullen auch die frawen furdir keyn gemeyne fasnachtbir habin bie itzt gemelter pehn.

Eß ist auch hievorder parkerthⁿ) zu halden bey vier flo. verbotten.

Es sal auch strozcett (*sic*) in die wochen zu senden bey vier flo. nitt ir- 35 lawbet seyn^o).

69. g) Noß = ein Stück Vieh. h) zwene groschen *ausgestrichen*, dafür von späterer Hand: 6 gl. i) aber späterer Zusatz. k) Von es geschege bis wercken *desgl.* l) Ueber der vi von späterer Hand eine 4. m) Von und bis frauen Zusatz des 16. Jahrh. n) d. h. Bankett. o) Die beiden letzten Paragraphen sind erst im 16. Jahrh. hinzugefügt worden.